

八瓊室金石補正

第九册

八
卷
五
十
五
十
五
十
五

：

八瓊室金石補正卷十五

太倉陸增祥撰

男 繼輝校錄

吳興劉承幹覆校

北魏四

成道敬造像題字

象高四寸七分記刻佛背圓光上
五行行字不一字徑二分正書

熙平元年四月□日成道敬□□造像一區□養一心

供養佛待

孫永安造像記

高六寸六分廣八寸九行行八字
字徑七分正書在洛陽存古閣

大魏熙平元年十月十五日息孫永安奉為亡母造像

誌表記靈緣云尔

夫塵俗易祛依法□影纏念神跡顯□妙真傳界表白

託信□故道俗興悲業慎□受者矣

刁遵墓誌熙平二年十月九日 萃

司空義陽缺義松門永閼永誤 作水

碑云姓氏之興錄於帝圖又云攸攸縣胄帝儻之胤

驛代貞賢自唐暨晉刁氏受姓當在堯時帝圖疑讖

緯書名平津讀 碑記

碑陰兩列上列十四行行十四字下 列存 廿二行行十五字字徑六分正書

長兄慕奉宗 早亡 妻河內司馬氏

父楚之魏使持節侍中鎮西大□□

啓府儀同三司楊州刺史琅邪□□

第三弟紹奉□ 饒安易二縣□□

妻河內司馬氏 □□□槍□□

第四弟獻奉□ □□□州□□

妻燕郡□氏 □□□書□

第五弟融□□ □□太守

妻同郡□□ □□□中中書監司

缺

第六弟肅奉誠 中□博□ 早亡

妻清河 □□ □□ □□ □□ 令貝□

子 缺

第七弟缺 以上列

世子楷□□ 舉秀卞 早亡

妻□□□氏 父相□ 宋散騎侍郎

第二子□□ 勝 本州□□□事□□

□□□□氏 父堤□□□侍中□

□大將軍□□□□□□□王

第三子勲□□ □□□□□□□騎

常侍右 缺

妻同郡高□□□□□□□□參軍

清河□□□□□□□□□□文公

第四子振□□□□□□□□□□將

缺

同郡李氏 缺

□□□宣季達 □□□□□□□□郎太尉

□□□軍□□□□□□□□僕射中

散大夫□□□□□□□□汝陰太守

妻河南□□□□□侍中尙 缺

司徒 □ □ □ □ 缺

第六子 □ 景 □ □ 缺

第七子 □ □ □ □ 缺

□ □ □ □ 缺

第 □ 子 □ □ □ 缺

□ □ 缺

誌末云夫人同郡高氏父允侍中中書監司空咸陽文公錢潛研以為墓誌之變例未見碑陰也案高允魏書北史均有傳字伯恭勃海楮人漢太傅哀之後封咸陽公官至鎮軍大將軍領中書監卒

贈侍中司空公冀州刺史諡曰文志不言大將軍
冀州刺史者略之耳高氏亦見於史北史刁冲傳
云其祖母司空高允女聰明婦人也誌陰上列載
遵之兄弟見魏書刁雍傳纂魏書作纂云字奉宗
中書侍郎早卒誌不詳其官紹字奉世武騎侍郎
汝陰王天賜涼州征西府司馬奉下所闕是世字
誌言饒安易二縣□□與史互異獻字奉章祕書
郎奉下所闕是章字誌敘其官職見一州字史所
不詳融字奉業汝陰太守是融下所缺爲奉業二
字太守上爲汝陰二字肅字奉誠中書博士是誌

所闕爲書士也弟七弟誌闕史亦不載慕之妻父
司馬楚之魏書北史亦均有傳字德秀晉宣帝弟
太常馯之八世孫封琅邪王官至假節侍中鎮西
大將軍開府儀同三司雲中鎮大將朔州刺史卒
贈征南大將軍領護西戎校尉揚州刺史諡曰貞
誌所闕爲將軍貞王四字不言雲中鎮大將朔州
刺史征南大將軍領護西戎校尉者略之也史稱
假節誌稱持節爲小異其稱開府爲啓府未詳其
故漢諱啓稱開不聞諱開稱啓或係刁氏家諱歟
下列載遵之子息見魏書云長子楷字景伯州舉

秀才早卒是誌所闕爲景伯二字楷弟尙字景勝
本州治中早卒是勝上所闕爲尙景本州下所闕
爲治中餘不可考尙弟整字景智景明中除給事
中領本州中正尋除尙書左中兵郎中正始中除
員外散騎常侍仍除郎中延昌三年拜右軍將軍
仍除郎中尋轉驍騎將軍未幾丁父憂是憇下所
闕爲景智二字騎常侍上所闕爲員外散三字再
上當敘郎中官職右下所闕爲軍將軍三字再下
當是驍騎將軍未可定也憇之妻父疑是高允之
子高懷任東陽王諮議參軍又北史刁柔傳云整

弟宣字季達以功封高城縣侯歷位都官尚書衛
 大將軍滄州刺史卒贈太尉公諡曰武誌已闕泐
 所可見者僕射中散大夫及汝陰太守等銜皆史
 所未詳魏書云送整與弟宜及子恭等幽繫之蓋
 誤宣為宜也宣之妻亦見於史魏書云整弟婦即
 熙姊又云略姊饒安公主刁宣妻也北史同是宣之
 妻為元氏其父為元英也第四弟六弟七子均不
 見於史

孫寶愔造像記

高七寸五分廣二尺七寸七分十
 一行行字不一字徑七分正書

大魏神龜元年歲次戊戌三月丙辰朔廿日乙亥青州

高陽郡安次縣人孫寶禧敬造尊像一軀仰資父母又

顛居家眷屬現世安吉一切群生同躋彼垢像主孫寶

禧恭敬供養佛時

清信女佛弟子房令妃供養佛時

右孫寶禧造像記中列蓮臺一佛趺坐其下如彌

陀者右刻一男子象跪而向左題字在其兩旁及

上方蓋卽孫寶禧也左刻一女子像跪而向右後

刻蓮花高出於頂題字在象右蓋卽房令妃也耳

左耳右各列一獅蹲而內向鐫刻頗精寶作寶歸

作歸異文餘恆見

崔勲造像記

高一尺一寸廣一尺七寸五分十八行行字不一字
徑五六分不一碑側五行行字不一字徑三四五分

不一正書在
濰縣陳氏

魏貞外散騎常待中堅將軍三公郎中中散大夫高陽

王右司徒府右長史

崔鴻

平西府益州長流叅

軍盪寇將軍齊州別駕司徒府城邑叅軍東中郎九

州二郡賈板臺使徐州倉曹叅軍崔鷗齊州錄事

叅軍廣川太守 崔鷗

唯大魏神龜二年歲次己亥九月戌寅朔十一日辛巳

齊州東清河郡命縣人崔勲削滅身資造石像一軀二
侍菩薩上爲皇帝陛下三公主司後爲居家眷屬咸同
斯福

豫主崔勲用錢九千口

碑側

法儀兄弟廿五人各錢一百裁佛金色陳安生

賀孟奴馬文智焦伯奴史曇貞皇市仇猛略

仇僧利王曇玉徐敬小侯叵當孫文徐愛

翟敞魏繼牀王智通仇迷仇强榮文敬賀僧德

口主崔勲法儀口賀神達史僧度王承王文展次箱

右崔勲造象記當在山左出土陳簠齋購藏之前人未見箸錄上鑄兩獅對蹲狀度其上當有佛象獅下橫界邊線上尙有題字僅見半截惟大象二字尙可意會下方題字十八行前十行列崔鴻崔鸛崔鵬崔銜名次七行爲造象記末行題像主崔勲云云蓋鴻鸛鵬皆崔勲之族也按崔鴻魏書有傳所敘官職與史悉合惟傳於三公郎中後云遷領侍中其後加中堅將軍云領郎如故遷中散大夫云仍領郎中而碑言三公郎中不言領郎中爲不同其正光後所歷之官非造象時所應有也鸛名

不見於史鵬名僅見於子元傳中云爲其叔鵬所
殺耳勲名亦不見於史史有名覲者爲鴻之族弟
官至甯遠將軍羽林監疑卽其人而碑不署官勲
覲異字未可妄斷崔鷓署銜稱城舌參軍舌卽局
之俗□東中郎當是征東鎮東平東之類開府從
事中郎也九州二郡賈板臺□使臺卽臺字官氏
志所不載俞縣史作郇碑蓋省文耳碑云九月戊
寅朔十一日辛巳按朔日戊寅則辛巳是四日十
一日辛巳則朔日當直辛卯碑誤矣通鑑目錄是
年月朔七戊寅九丁丑與碑所題者亦不合

張猛龍清頌碑

正光三年正月廿三日 萃編載卷廿九

蕭鬱於帝皇之始

字缺蕭

不辭採運之勲

辭作辭 缺運字

復詠於

洙中

字缺中

至乃辭金

字缺至

煥

煥作

體承帝稍

字缺稍

義主宋

□□

字缺宋

正光

光誤元

碑陰

敬武

敬作

孔□恩

字缺恩

戶曹掾董榮祚

缺戶字曹作 曹餘同不悉

錄

卜僧化禮作

夏衆貴

衆誤榮

西曹佐薛文會

在星桃村 後此行全

脫

□廣由

由誤吉

成頤之

頤誤順

張穎和

穎作顯

田阿清

阿誤河

雷乞德

乞誤乙

碑辭云何以身禧唐盧正道清德碑公下鼻烏鼻卽

鳧字之俗鳧僖猶鳧藻碑陰有魯汶陽鄒陽平弁新陽縣令皆魯郡屬縣魏書地形志魯郡領縣五無弁當是其後省也

平津讀碑記

萃編以碑額爲標題所載有脫誤補錄如左又□官王珍度之官字審之未的其餘如羗皆作羗莫作英鄆作鄆庸皆作虎金皆作金符皆作符僂隹作僂隹景作景伏德作伏德男作男以及點畫微訛者不具載又辛伯仁後空一行孫文僂後二行若奉伯後一行亦未敘明案金石後錄云星條若隹四姓公乘常耶二姓爲姓之異攷晉有星重見

羊氏家傳南陽太守羊續娶其女濟北人條氏見左氏傳殷七族之一也晉有條冉司空條枚見姓苑漢有若章下邳相見正字通宋有若濤咸淳進士見萬姓統譜雋卽雋漢有雋不疑北齊有雋敬見鄉老舉雋敬碑碑中下兩截題名列雋氏廿六人萬姓統譜於十六銑列雋復於十一軫列雋云雋音允見直音殆誤也雋敬碑敘述先世推本不疑可證也公乘古爵也後因爲氏統譜所載漢有公乘時慶公乘陽慶皆淳于意之師公乘翽更始中郎將左府都尉公乘昕上黨人中常侍唐有公

乘億咸通宏詞進士見藝文略又有公乘武公乘
舜宋有公乘良弼相州人嘉祐登科公乘博文東
平人建炎登科常邱氏廣韻云見姓苑張潮姓氏
尋源云常邱卽商邱

鎮遠將軍鄭道忠墓誌

高一尺八寸八分廣一尺九寸七分
廿三行行廿三字字徑五分正書

□魏正光三年歲次壬寅十二月巳未朔廿六日壬申

故鎮遠將軍後軍將軍□□墓誌

君諱道忠字周子熒陽開封人周文王之襲鄭桓公之
後魏將作大匠渾之十世孫也本枝碩茂跗萼重暉冠

兔相仍風流繼及 祖以清靜爲治化洽枌榆 孝以
德禮鑄民愛留海曲君尅膺純粹載挺圭璋美行著於
弱年嘉譽盛於冠日 太和在運江海斯歸理翰來儀擇
木以處始爲高陽王國常侍所奉之主卽丞相其人雖
義在策名而遇同置醴邀循任重載職惟才轉衛尉丞
加明威將軍抑而爲之非所好也會五營有缺俄意在
爲事等嗣宗聊以寄息徙步兵校尉卒邑中正遷鎮遠
將軍後軍將軍君氣韻恬和姿望溫雅不以威否滑心
榮辱改慮徘徊周孔之門放暢老莊之域澹然藺退弗
競當塗天道茫茫仁壽無證春秋冊有七以正光三年

十月十七日卒於洛陽之安豐里宅知時識順臨化靡
傷啓予在言素儉爲令古之君子何以尙茲越十二月
廿六日窆於熒陽山巖石澗北乃銘石泉陰式昭不朽
其辭曰

河潁之鄉史伯稱祥鳩來肯宇大啓封壙國風已細家
業嗣昌或潛或躍令問令望於穆不已實生夫子皎皎
百練昂昂千里棲息典經馳騫文史潤彼璫璵馥茲蘭
芷閒平出世玉帛求人薄言委質義等師臣帝居崇秘
警衛推貧既叅關鍵仍奉鈞陳雖則鈞陳亦孔之賤我
有一尊心無兩戰風催夜燭弦駢曉箭奄就北京遂同

南面荒茫宿草森沉宰木迴絕人群朋隳羽族形歸泉壤聲留簡牘靡畏樵蕘豈悲陵谷

是誌近日出土爲金石家所未見滎陽之鄭在北魏已爲望族所謂將作大匠渾者見三國魏志墓誌標題以朝號及年月日冠於銜名之上蓋創見也誌中榮作熒裔作襄策作策貳作貳缺作缺徘徊作徘徊莊作庄胥作胥關作關驅作駟簡作簡溯鄭氏先世遠及周文而乃近遺祖父之諱曰爲治曰鑄民其祖父亦非無爵位可書者

古誌
石華

右鄭道忠墓誌据補訪碑錄謂在洛陽攷道忠魏

書作忠無道字附鄭義傳云字周子右軍將軍鎮
遠將軍卒贈平東將軍徐州刺史誌作後軍將軍
與傳不同傳之誤也誌不書贈官者略之也誌不
書其祖若父名以傳證之祖名叔夜父名伯夏伯
夏官司徒諮議東萊太守卒贈冠軍將軍青州刺
史誌故有愛留海曲之語叔夜官職史所不載誌
云化洽粉榆蓋本州之職度非顯要故史不及之
叔夜爲羲之兄見北史義傳義傳云魏將作大匠
渾之八世孫此誌云十世孫正合渾爲將作大匠
唐書宰相世系表作少府大匠元和姓纂作少府

蓋少府之屬也高陽王范雍也碑以承相爲丞相以邀循爲徽循以姿望爲資望以滑心爲汨心滑卽滑字以百練爲百鍊餘如冕作冕翰作翰嗣作嗣蘇作蘓者尙多皆黃氏所未舉黃氏錄此文後軍作統軍威否作盛否惟寅作惟寅豈悲作甯悲俱誤又首行葬日石華作十六日壬申補訪碑錄作廿六日甲申審之拓本廿壬二字極爲明顯六字已涉曼患以誌文證之六字不誤通鑑目錄是年十一月巳丑朔是十二月朔正直己未廿六日當直甲申碑蓋誤甲爲壬也黃氏作十六日固非

趙氏遽改爲甲亦非

王珍之等造象

二紙一高六尺八寸廣三尺四寸畫大象右題名一行字徑五分一高三尺二寸廣同前共八十一行行字多寡大小均不一分書在平度州

□□當□本縣令王珍之

正光三年□月廿六日光

山民广□利□維那主

蘓柏□□□□蘓慶伯

□□□□

比邱尼道選

比□□□□□

蘓□王世宗

王万歲

比邱尼僧 □ 比 □ □ □ 僧由 □ □ □ □ 張 □

比邱尼惠 □ 比 □ □ □ □ □ 王令張樹生 張 □ □

比邱尼僧 □ 比 □ □ □ 保銀 張伯周到伯孫王貴

比邱尼道 □ 比 □ □ □ 法蒙 □ □ □ □ 魯 王 □

比邱尼明量 □ □ □ □ 尼惠申 □ 服剡中民 韓环保

比邱尼 □ 斂 □ □ □ □ 尼僧暎 □ □ □ 趙本 糠灸

比邱尼 □ □ 比 □ □ □ 尼僧隆 張王趙高 糠廣

比邱尼 □ □ 比 □ □ □ □ □ 尼僧就 □ □ □ □ □ 糠進

比邱尼 □ □ 比 □ □ □ □ 僧 魯 □ □ 王守同 糠兇

右弟
一列

比 □ □ □ 僧 □ □ □ 言張 趙 □

右弟
二列

王懷段民一 王達

□□王万之 王桃棒

孫愔王□之 僧交

王□□□□□ □□依

蒯□王貴□ 蒯伯支

徐雙丁□□ □□□

右弟
三列

右弟
四列

隨□ 徐□

張□ □□

王□之 □□

張□醜

張保勝

隨客□

花旦口

□□民

李易

比邱僧惠及

□□

比邱僧惠禾

右弟
六列

比邱僧惠□

隨道連

王樹之

隨慕之

隨霽和

隨道安

右弟
五列

比邱尼道遷

此行在佛
象右方

碑極曼患行次參差審核修理首列王珍之一行

次列年月人名三行有半後又有題名六列八十

餘人魏書地形志郡縣無光山之名碑所稱或是

山名也隨氏出晉大夫隨武子之後花氏見姓苑

望出東平余先得佛象旁道遷題字一行拓本不

盈一尺今乃獲觀其全相距廿餘年矣

馬鳴寺根法師碑

通高四尺九寸廣二尺七寸廿二行行卅字字徑一寸額存魏故根法師之六字陽文上又題馬鳴寺三

字均
正書

師諱□□□□□子之孫也法師□□□之□□稟

五緯□□□□□生知□□□於鼎歲潔行與白

雪爭光溫穆與鮮雲競潤爰自弱年英聲早集孝敬天

然曾閔無以喻其性敏□冠時顏舟罕得比其高堯昂

孤上如長林之出層雲婉順□矜若清泉之入□_壑湛

々然涇渭不能渾其津灼々乎泥滓莫能□其輝□坻

崇峻可聞而不可見器韻堅廣可鑽而不入故使行逾

素德逾深志弥著業_弥遠於是鸞舉拔俗猗慮法山之

頂鳳轉去塵締誠滅影之域識火構之弗康□化城之
怀心之能□□三乘擬御十地大夏閑居授講後生四
方慕義雲會如至雖鳩公之在瀾□未得方其輻湊朗
上之在汶北曷以加其歸市若夫八開之夜立論之際
法師淵□浚菽風機獨遠判沖微於百氏之中裁疑滯
於一攬之內理與妙其長辭與玄同遠興難則衆席喪
氣復問則道俗雷解音清調逸雅有義宗至如課已追
真造次弗爽禪念求道終生莫輟割寶營福捨物如遺
造經數千布滿縉素刊建 聖頌抽珎裁飭祇洎妙罕
摩不壞麗雖漢明寤寐金人篋以過茲工也方當虛器

以導迷途憑福以敷釋典嘗不憇遺春烏物化秋五

十五以正光四年歲次癸卯二月戊午朔三日庚申殂

於寺〇〇道〇莫不悲悼豈唯痛結師徒而已哉卑翌

日窆於含霞山之陰法師弟子〇〇〇等並聰慧一時

道器斯蔚追匠誨之〇極痛寒泉之方遠綴徽音〇〇

〇〇〇〇於墳〇其辭曰

〇〇嶮〇緒〇灣長瀾續紛組帶蟬聯纓冠或智或愚能

危能安其括人去舉叶〇智靈仰〇号緯府藉華淫淵

糾其志雲鶴其聲在素玉潤處默金貞去此火宅歸彼

〇〇〇〇詞必討妙理斯佗有有用曉無無是磬易和難

漆載沖載盈

其二

皓く積□□く深冰□諸法器自何能

稱識非塵幕悟是梵乘飭相庄譯珍麗□□□□□□

□□道徵□□□□□□憑刊茲茂跡不朽不淩

石馬鳴寺根法師碑斷裂為三首尾亦損師名闕

佚賴額字具存可据以標題之碑未詳所在文云

府藉華涇當在關內也駢文樸茂書法端厲李北

海盡得其妙是北碑之傑出者婉順下似迎字可

鑽而不可入脫一可字怀卽怀此用為丕掇未詳

爽作爽緇作緇字作孛窟窳變月旁為心峻緒上

似昂藏二字俯作府籍作藉

贈營州刺史懿侯高貞碑

高六尺二寸廣二尺一寸五分廿四行行四十六字
字徑八分正書有界格篆額陽文題魏故營州刺史

懿侯高君之碑十
二字在德州學宮

魏故驩驤將軍營州刺史高使君懿侯碑銘

君諱貞字羽真勃海循人也其先蓋帝炎氏之苗稟昔

在黃唐是為四嶽爰逮伯夷受命于虞舜曰典朕□□

□□□□暨呂尚佐周克殷有大功於天下位為太師

俾侯齊國世世勿絕表乎東海其公族有高子者即其

氏為自茲已降冠冕繼及世濟其德不實其名祖左光

祿大夫勃海敬公純嘏所鍾或誑

文昭皇太后是爲世宗武皇帝之外祖孝安東將軍青

州刺史庄公有行有祀克荷克構卽

文昭皇太后之第二兄也君稟岐嶷之姿挺珪璋之質
清暈發於載卡秀悟□乎巖齒黃中通理之名卓尔不
羣之目固已殊異公族見稱於匠者至於孝以事親則
白華不能比其潔友于兄弟則常棣無以方其盛敬讓
著自閭閻信義行於珉黨若夫秉心塞淵砥礪名教伏
膺文武不肅而成則綴軌於前脩同頽於先達者矣雖
綺襦紈袴英華於王許龍馬流車陸離於陰鄧而不以
富貴驕人必以謙虛業已足故夷門識募蹇步知歸我

德如風物應如響弱冠以外儼令望除秘書郎俸麟閣
而來箴瞻石渠而或跋於是縱容拔文之職翻飛鴈鷺
之間容止此而可觀清風茲為已穆既而重離載朗東
朝始建杞梓循陳璠金必剖僉求其可帝曰尔諧選太
子洗馬夙夜惟寅媚茲儲后仰敷四德之美或揚三善
之功同禁聯坊亡有出其右也于時六宮□□百姓未
繁□□大邦罔踰莘似以君姊有神表淋問拜為皇后
君戚愈重□□冲寵日益擢日損由是有少君退讓之
風無□淵媯奢之患故赫赫之望具瞻允集損幹之期
匪朝伊暮而不幸短命春秋廿有六以延昌三年歲次

甲午四月己卯朔廿六日乙巳邁疾卒於京師二宮悲
慟九族悼傷同位駿奔遐邇必至

天子迺詔有司曰故太子洗馬高貞器業始茂方加榮
級而秀穎未實奄彫夏彩今宅兆有期宜蒙追陟可特
贈驪驤將軍營州刺史以旡俄傷其墓□所湏悉仰本
州營辦臨塋又特給東園龍輜加謚曰懿凡我僚舊爰
及邦人咸以君生而玉質至美也幼若老成至慧也孝
友回心至行也□□□□至謙也君以此終尔以此始
焉可瘞而不錄使來者無聞焉迺相與採石名山樹碑
墓道其詞曰

乘緒皇□□□□堯咨四嶽□□望惟高□國世

□龍光自茲仁氏不實其芳於鑠光祿饗茲戩蔡赫矣

安東純嘏斯屬或女或妹匪娥伊僕陟彼昭陽光我邦

族山川降祉餘慶不已敬公之孫莊公之子如琇如瑩

為山伊始人知其進莫見其止古人有言膏梁難匹於

乎我君終和且令牧已謙謙與物無競孝友回心能久

能敬爰始來儀濯纓鱗沾翮羽儲局其容皎皎方搏九

霄載飛載矯天道如何是□是天生榮死哀禮有加數

曷用寵終英英祈輅其人雖注其風可墓元石一刊清

徽永鑄

大代正光四年歲次癸卯□管黃鍾六月□

□□□□□□□□

嘉慶丙寅歲王孝廉保訓告我德州衛河第三屯出
魏高貞碑與知州原遜志庫大使沈志水移置學宮
山東督糧道孫星衍記

右營州刺史高貞碑在德州學宮貞魏書無傳碑云
貞字羽真勃海脩人也祖左光祿大夫勃海敬公式
誕文昭皇太后是爲世宗武皇帝之外祖考安東將
軍青州刺史疋公卽文昭皇太后之第二兄也魏書
外戚傳高肇父颺高祖納颺女是爲文昭皇后生世

宗颺卒景明初贈左光祿大夫賜爵渤海公諡曰敬
肇長兄琨琨弟偃太和十年卒正始中贈安東將軍
都督青州刺史諡曰莊是貞爲高颺之孫高偃之子
偃爲文昭皇后第二兄皇后傳以偃爲文昭皇后弟
者誤也碑云君姊有神表淑問拜爲皇后偃傳景明
四年世宗納其女爲貴嬪永平二年立爲皇后卽貞
姊貞弱冠以外戚除秘書郎遷太子洗馬延昌三年
卒贈驩驤將軍營州刺史諡曰懿魏書道武紀天興
元年羣臣言國家萬世相承啓基雲代應以爲號帝
下詔宜仍先號以爲魏此碑末稱大代正光四年亦

變例也

平津讀
碑記

右碑文正書二十四行行四十六字有篆額攷漢益
州太守高頤碑敘其先出顓頊裔孫逢伯陵佐殷湯
有功食采齊□樂邑世爲正卿氏食采建姓至高爲
桓公將南陽之師而成魯美於春秋予攷樂邑上所
闕當是高字至爲桓公將師成魯者乃高倓其語本
春秋閔公二年公羊傳而通志氏族畧及通鑑魏紀
注路史國名紀皆引風俗通高堂氏齊卿高敬仲食
采於高因氏焉廣韻謂高姓齊太公六世孫文公赤
生公子高孫倓爲齊上卿與管仲合諸侯有功桓公

命侯以王父字爲氏食采於盧諡曰敬仲與高頤碑
廣韻等書不合惟云出太公之後與廣韻合此碑所
云高子卽高侯其言爲呂尙公族與廣韻史表言齊
太公之後同而又謂太公爲炎帝之裔四嶽伯夷之
後則又與高頤碑異尙書舜典有能典朕三禮僉曰
伯夷孔傳云伯夷臣名姜姓正義引鄭語云姜伯夷
之後也然此碑以呂尙出伯夷之後與孔傳合矣惟
攷史記齊太公世家云其先祖嘗爲四嶽佐禹平水
上甚有功虞夏之際封於呂本姓姜氏從其封姓又
說文云昔太嶽爲禹心呂之臣故封呂侯皆不言伯

夷又碑云渤海脩人廣韻言高有五望一曰渤海也其云祖左光祿大夫渤海敬公者高颺也考安東將軍青州刺史者高偃也並見魏書外戚高肇傳然史言偃之諡爲莊侯而非公自當以碑爲正碑又云以君姊有神表淑問拜爲皇后者卽世宗之宣武皇后也世宗初納爲貴人後拜爲后肅宗卽位又尊爲皇太后尋爲尼於瑤光寺神龜元年暴崩於寺殯葬皆以尼禮此碑立於正光四年已在神龜元年之後四年而碑但言其皇后不及其尊號爲太后者或以貞之卒尙在世宗延昌二年故也然碑於前已稱世宗

武皇帝則撰碑之時自當據正光時爲稱而碑乃不

及者豈以其終於爲尼欲爲肅宗諱之耶

古泉山館
金石文編

按北魏太子洗馬特贈龍驤將軍營州刺史諡懿侯

高貞碑貞卒於宣武延昌三年甲午建碑於孝明正

光四年癸卯碑題稱魏後稱大代者魏書崔浩傳以

始封代土後稱爲魏故代魏兼用猶彼殷商集古錄

金石錄並有太延五年大代修華嶽廟碑又太和二

年始公平造象記云暨於大代延昌三年司馬景和

妻墓志銘首題魏代蓋皆不忘本始之意可與史傳

相證也王辰歲十月魏改元延昌立皇子翊爲太子

貞遷洗馬當卽其時唐書宰相世系表後漢渤海太守高洪居渤海薈縣肇卽其後故貞爲渤海脩人元和郡縣志河北道德州薈縣本漢條縣卽條侯國屬信都後漢屬渤海郡晉改條爲脩隋廢渤海郡改脩爲薈屬觀州唐貞觀中觀州廢改屬德州此碑與高植高湛二誌皆出於德州衛河第三屯卽高氏墓所案漢書地理志勃海郡有脩市縣侯國應劭讀脩爲條又信都國有脩縣顏氏亦音條周亞夫封條侯功臣表作脩侯續漢書郡國志勃海郡有脩縣屬信都而無脩市疑併入脩縣矣宋書州郡志始以脩爲薈

魏書州郡志仍作脩與此碑正合而高湖高聰高肇
 等傳皆書渤海脩人蓋脩脩通用已久非改於隋此
 碑勃海脩人高植志勃海條人高湛志勃海滌人脩
 滌滌條古皆通用北朝碑刻偏旁才多作彳碑中勃
 作勃脩作循龍作驪裔作裊冕作冕暉作暉高湛碑同與飛
韻歸叶 戚作敝麟作麟備作備寅作寅美作美聯作聯
 寵作寵短作短旌作旌厥作厥穀作穀旂作旂並異
 文從容作縱容驕奢作嬌奢通借字也下別體作卡
 與弁通載卡卽載弁孝文太和十八年弔比干文執
 垂益而談卡亦卽下字通辨或釋卡爲美非頌卽規

字本從頁從矢因譌作頤魏書世祖紀始光二年造
新字千餘頒下遠近永爲楷式豈卽當時新字歟

金石

續編

碑云巳卯朔廿六日乙巳案乙巳是廿七日云廿
六日猶言越廿六日也它碑亦間有之伏瘡卽服
膺古通式作或膏梁作梁別體曩訂續編不無闕
論茲舉拓本對勘而錄之

八瓊室金石補正卷十五終

八瓊室金石補正卷十六

太倉陸增祥撰

男 繼輝校錄

吳興劉承幹覆校

北魏五

黃石崖造象五段俱正書在歷城

法義兄弟姊妹等題記高一尺廣二尺五寸十七行行字不一字徑寸許

大魏正光四年七月廿九日法義兄弟石姊妹等敬造

石窟像廿四軀悉以成就應名提記

釋伏守同心鋤

維那主劉愛女

維那主沐盆姬 賈篋 劉法香 王寶姬 劉阿香

劉阿思 劉勝玉 胡阿嬪 王犁姜 呼延伏姬

賈阿妃 劉桃姬 王昱 孫敬嬪 趙妃姜 張

勝界 張英仁 紀姜女 □骨子 徐清女 維那

主張牛女 維那主 呼延摩香白齋姜 石栳

女趙義姜 張道女

題作提助作鋤嬪卽姿或卽資呼卽呼徐卽徐此
刻近始搽出未見箸錄左上方有喬伏香題刻別

錄於後

帝主趙氏法義卅五人題記

高一尺二寸廣一尺三寸十三行行字不一

徑七分許

大魏孝昌二年九月丁酉朔八日甲辰 帝主元民法

義世五人敬造弥勒像一軀普為四息三有法界衆生

願值弥勒 都維那比邱静志 都維那楊慮子

都維那賈道順 都維那趙伏念 比邱道雲 比

邱洪休 馮道霜 鄧恭伯 張惠銀 張皇思 張

社生 馬僧智 皇外龍 劉歡 劉市奴 陳亘德

王難生 維那劉阿母女 維那趙勝姜 崔令姿

魚小姬 白舍姬 趙安姬 薛男生 張金姿

王肆勝 張女珠 劉齋 劉勝 郭男 西門清姜

趙迎男 賈娥 張外婆 貞三英 張勝姜 王

伏姪 趙勾男 趙勝姿 劉明勝 趙桃女 趙祖

懣

八日濟南金石志誤刊八月

法義兄弟百餘人題記

高九寸廣九寸四分十一
行行字不一字徑五分餘

大魏孝昌三年七月十日法義兄弟一百餘人各抽家

財於歷山之陰敬造石窟彫刊靈像上為帝主法界群

生師僧父母居家眷屬咸預福慶祈願如是 都維那

張神龍 都維那 雜 楊泥 比邱僧利 比邱

洪休 比邱僧珽 比邱明越 比邱僧括 究敬賢

趙方興 梁思善 梁僧長 雷乘龍 燕延暉

楊伯愷

界作堺集韻云堺同界兗姓見韻會預作預補訪
碑錄兩列此刻一題張神龍等百餘人造象一題
法義百餘人造象誤矣

王僧歡題記

高九寸廣四寸五分五行
行十六十七字字徑四分

維大魏建義元年五月□日清信上仙弟子雍州長安
人王僧歡敬造尊像一軀上願皇祚永隆庶劫師僧七
世父母兄弟姊妹妻子女等及善友知識邊地衆生常
生佛國弥勒出世龍華三會願登初首

濟南金石志雍州長安作齊州泰安僧歡作增啓

顛登初首作共登施堂均誤

喬伏香題記

高三寸五分廣四寸七分
三行行字不一字徑寸餘

高伏香敬造釋迦像一軀敬心共養

供作共在法義兄弟姊妹造象之後

魏氏造象碑并側

正光五年六月二十日
萃編載卷三十二未見碑側附西魏末

之主李聃

門隔節

以上弟一截

□□□□□□□□

宜魏道

弟二截

平涅

毛玉
弟三截

但宜魏阿

平

弟四截
以上四截俱失載

化主魏宗

字

侍者

侍者

但小魏豐国侍

者者但
国五字
化主魏趙庸
之子□顛□
之子魏柴玉

之子魏□□
之子魏先生
字魏趙庸字魏柴玉字魏
先生字脫之子□顛□

一行又之
皆作邑
魏道洛
字魏
魏益先
先誤
之子□□□
乙

子魏道歛
子缺上之
魏養宜
字缺養
□輔箱
字缺箱
錄主
字缺錄

錄主魏□容
字缺錄容
之子□□與
字缺與
魏酉歛
字缺歛
魏

清受
二字缺清受
魏柴洛
字缺柴
魏上容
字缺上
魏鬼引
字缺引
鬼誤男

魏□国
字缺国
錄主魏歡熹
字缺錄

碑側
高五尺八寸八分厚八寸五分上截二行行五字
中截五行行六字下截七行行三十五字字徑八

分正
書

之曹魏豐□
之主魏始廓
以上上截

正光五年歲次甲辰六月庚辰朔十日己亥合之

緣

以上中截

念波非无其元非

造其極已如損身命已求之

七珍九候元之寶大願既成已要无上之道位悲

已藏蒙誠之類六不

是三會永麦二聖沉淪苦海竟若所趣唯憑

真世共道捨

七珍遂取名石廼及師匠造像一匿運

顏若主遼國土清大願第

子芽捨身受身值佛□□□□□□□□□□□□至

成佛復顛亡□所生應劫阇徒現存眷屬□□□□□□

□□□□□□□□□□六道倉生□佛□□□□□□

□□□所願□□是缺以上下截

按此因魏氏造象而記于碑側時為北魏孝明帝正

光五年萃編以造象碑附西魏大統之後未見碑側

所題歲月也六月下所缺以通鑑目錄考之當是庚

辰二字金石續編

石碑高五尺八寸八分上列佛象一龕龕旁皆供

養象凡三截每截題字兩行分列左右龕下中刻

蓮臺兩旁亦有供養象題字各一行皆王氏所未見者此下六截亦皆供養象象旁均有題字第五截六行餘均八行王氏謂有七行者脫一行耳其所錄亦多譌缺續編錄此碑側亦有未審出者茲據拓本校補之碑極曼患不能得其全也

新城成買等造像題名

高一尺五寸廣二尺九寸文五行前後題名廿六行行字不一字徑六分正書直界格

大魏正光五年歲次甲辰八月己卯朔十一日己丑青州高陽郡新城縣成買寺主道充繼化刹台道侶法義兄弟姊妹一百人敬造弥勒尊像一軀一切羣生成同

福慶

□福寺

比邱慧興

二行在前

□邱道充

比邱慧靜

比邱元明

比邱惠叙

比邱法當

比邱道盛

比

邱道賓

比邱暈袂

比邱道暢

比邱僧濟

比邱

道惠

比邱惠暈

比邱僧攝

比邱道殷

王□興

趙□之

里伏慶

成公僧志

□安生

成公道

慶

趙世和

成公僧和

□文慶

成公惠心

李

珍寶

程孫陔

成公曇慶

成公雙之

成公世敬

翟興兵

成公保儼

成公萬受

成念

賈孝居

王伏奴

成公悌

翟僧護

成公訓

□零之

成公黑 成公客生 成公僧廣 □□祖 成公文

慶 □道還 趙奉 □禧 宋萬 程洛周 趙道

明 □安之 梁日兪 程鍾葵 翟零社 □天慶

成公僧敬 李法承 趙念 □角 成公度世

程民 □文敏 成公道長 扈戢郎 張保禧 張

道憐 程零獻 成公榮果 王晏娟 □伯生 成

歡 程客生 成公市買 榮衆懌 成公□連 肩

保僧 王晏見 徐天德 張心 乙奈登 韓練姜

□帝姬 鄭膏 孟妙 申進之 孫圉齋 □□

成公令妃 徐永男 李□

国字字書所無憐卽憐

懷令李超墓誌

正光六年正月十六日 萃
編載卷二十九列永安二年

憲臺

臺作

沓炳

缺沓

泉房寒遠

泉作泉
寒作塞

越六年正月丙午朔案此謂正光六年也其六月始

改元孝昌則正月必尙紀正光矣碑書正月丙午朔

證之通鑑目錄劉義叟長秣此年梁正丙午朔魏同

決無可疑而偃師金石遺文乃誤以為在卒後經年

凡六於是王氏萃編遂列為永安二年不知彼年長

秣魏正癸丑朔與碑所書絕不可通也又考司馬景

和妻墓誌銘上書以延昌二年夏六月甲申朔廿日

癸卯下書粵三年正月庚戌朔十二日辛酉以其朔
求長秣則所謂粵三年者亦謂延昌三年與此碑書
年之法正同又一確證也

孫星衍續
古文苑注

李超正光五年卒時年六十一魏書地形志洛州太
和十七年改爲司州時超年三十卽於是年舉秀才
亦不得稱弱冠疑舉在其前稱司州者從後追書之
碑狄作拔劾作劾日作○族作族總條作楡循質作
質蠻作蠻皆異文

平津讀
碑記

書臺作臺泉作泉寒卽寒字王氏釋爲塞孫氏釋
爲寒鬻孫氏釋爲鬻皆非條脩古通循卽脩字洪

氏以爲條之異文亦非陰寘當卽陰冥王孫兩家皆以本字讀之恐誤其餘別體甚多不具舉

陸希道誌蓋

方一尺九寸三分四行行四字字徑二寸八分篆書陽文方界格在孟縣學忠義祠

魏故涇州太守淮陽男陸府君墓誌之銘

此後魏陸希道墓誌蓋石自孟縣西三十四里孟張河出土陸君傳附見魏書祖俟傳乾隆己酉入志欽

州馮敏昌題記分書二行在石左邊

萃編僅載銘側袁翻題字不及誌銘篆蓋據孟縣志誌銘僅存首行及次行鉅鹿郡開國公之子也

九字餘行上下或一二字已

崇□達為父造象記

高九寸廣八寸三分十行行十字
字徑五分正書在洛陽存古閣

□魏□□□□□月已酉朔廿一日辛酉故□□□局

承崇任康□□□□□內郡□□□□□曇□□福□

具□□□□□七□南十□東□□□□□十五步□

地□□□

弟子崇□達仰為亡父造像一區願忘父託生西方妙

樂國土恒与 善居

前云故□□□局承崇任康後有十□東及十五

步□地等字末三行題崇□達爲亡父造像一區
云云蓋崇□達因葬其父遂造像以資冥福也十
東十五步地等字蓋記塋兆之四至也紀年缺下
一字不知其爲正始正光姑附正光末文云□月
巳酉朔廿一日辛酉以巳酉朔推之則廿一日值
巳未不值辛酉辛酉是十三日以廿一日辛酉推
之則當是辛巳朔碑誤矣

吳高黎墓誌

高九寸廣一尺十三行行十二字字徑六分
許正書末一行無字上截刻佛象在洛陽

魏故士吳君之墓誌 君諱高黎徐州瑯琊郡治下里

人也宋世駙騎府錄事叅江夏太守之孫貞外散騎侍郎梁郡太守之子聖世兖州城局叅督護高平郡事資洪源於宵漢稟神光於峻岳推蘭桂之萼微發之妙嚮才器念惠事若天知正始元年冬十月十五日卒於洛陽妻高陽許樂女樂爲江夏王常侍以正光五年十二月六日亡於弟孝昌二年正月丙午十三日癸丑權塋於北芒刊石立記

右吳高黎墓志在洛陽其上截刻佛象志文在下截疑非埋諸土中者高黎之祖父皆不書名誌書資洪源於宵漢於字添注於旁以徐爲徐以宵爲

霄以忿惠爲聰慧以弟爲第以墳爲殯以北芒爲
北邱餘不悉記後云孝昌二年正月丙午十三日
癸丑案孝昌二年歲值丙午丙午二字蓋在正月
之上書者誤置於下也午非月建十三日癸丑則
丙午亦非朔日也通鑑目錄是年二月庚午朔以
此逆推之正月小盡十三日正直癸丑朔日當直
辛丑

皆公寺比邱道休造象題字

高一尺五寸廣五尺四寸六榜二
榜磨泐行字均不一正書在樂安

比邱僧緒供養

比邱僧援供養

右弟一榜

比邱惠僂供養佛

右弟四榜

大魏孝昌三年歲次丁未二月十五日比邱道休為一

切衆生敬造弥勒石像

右弟五榜

大魏孝昌三年正月二日奉 詔建立皆公寺

右象佛坐蓮臺莖直承槃一人兩手仰托跪而戴

於首右一人左手持盂右手作彈指狀左一人合

掌旁有兩獅蹲列左右三年正月立寺二月造象

故兩題年月筠清館以正月二日屬諸僧緒僧援

非也皆公寺不見於洛陽伽藍記

咸陽太守劉玉墓誌

高一尺五寸五分廣一尺七寸十九行行十七字
第十七行十八字字徑五分餘正書在南匯沈氏

魏故咸陽太守劉府君墓誌銘

君諱玉字天寶宏農胡城人也廉初基胄与日月同開
爵封次第通君臣之始周秦大漢並斑名位遠祖司徒
竄之苗其中易世奉一足明慎漢中譏凶奴之患季陵
出計軍勢不利遂沒寡廷先人祖宗便習其俗婚姻官
帶与之錯糝大魏開建託定恒代以曾祖初万頭大族
之胄宜願名宦從駕之衆理須替學依地置官為何渾
地汗尔時此斑例中州枝義成王南計長安以祖可洛

侯名家之孫亾接為劄充子都將與王策謀偉內劄之
雍境遂以土荒卽令鎮押君數世重蔭成應引內為西
亾子都出祺之槎屢有薰迤宜可昇接錫之矛土徭咸
陽太守春秋七十八以孝昌三年歲次丙午十一月廿
四日卒於家

肇基雲景神綵重暎是曰劉族世立堅明位綖台司志
含中貞翼輔王室唯安唯甯舜踵相繼其器易新名於
矛土四寰來寘綏接息化畱壤殷民體含玉澀不磨自
隣

石藏沈均初內翰 樹鏞 家均初歸道山不審存否

誌署宏農胡城人胡城魏隸西恆農陳南二郡魏
避獻文帝諱稱恆農此不避何也文云遠祖司徒
寬之苗寬卽寬字後漢書劉寬傳字文饒華陰人
不言其官司徒惟云父崎順帝時爲司徒元和姓
纂漢高兄代王喜後漢司徒琦始居宏農生寬太
尉是司徒爲寬之父誌誤矣崎琦字異當是姓纂
之譌慎漢中譏慎卽值之誤譏不可解或是季之
音訛匈奴作凶季陵蓋季陵之誤契蓋契之俗誤
略之通借詩有略其耜釋文略字書本作契匡謬
正俗引張揖古今字詁云略古作契玉篇契今作

略按說文略經略土地也。𠄎籀文𠄎刀劍刃也。詩借略爲𠄎碑借𠄎爲略非古今字也。𠄎卽亞枝卽牧禛當是旗之旌當是走旌之誤薰爲勳之通借茅土作矛玉字三畫均勻旁不加點漉卽潔之俗變隣卽隣字磷之音借餘多繆體不具述元和姓纂載劉氏之居代者二一爲東郡魏有庫仁弟眷生羅辰與穆陸賀婁于奚尉爲北人八族一爲河南魏有河間公提生豐以司徒封爲河間劉氏又載寬之後裔有三一爲十二代孫偉爲周刺史一爲次子松一爲次子千秋此誌所述可補姓纂之

遺初万頭可洛侯命名俱習代稱至玉而始革其
俗何渾地汗可備代北官名之攷咸陽郡隸雍州

樂陵太守等造天宮像題名

高二尺三寸廣一尺二寸側廣二尺二寸年月人名
五行畫象內題名九段共四十三行行字大小均不

書一正

元安二年歲次巳酉十一月 戊寅朔十四日亲卯集

陵郡陽信縣李僧保青州刺史彭城王府鎮□將軍行

樂陵太守 夫人謝文 次夫人县台妙孫

郎君李靖貴 郎君李道固 息永固 息思□

息士宗 息令宗 女□香 貴香 女敬暈

女洛妃

在碑側

樂陵太守李文選

妻夫人蔣男莫

女郎李端

女郎李雙

席石叵羅

上弟一列

郎君李景

郎君

李仁

郎君李仁

郎君李領仁

上弟二列

女安妃

女明

女記

女男生

息万生
李僧

身

天宮

上弟三列在碑右

振政將軍樂陵太守李處真

家口天宮

在碑右前投之下

像主李文選家口夫妻男女現身天宮

在碑左

李僧保家口天

在碑左前段之下

李

已

缺以下五六行不可辨

□□延段□家口天宮

夏侯興

缺

父母弟妹現身□宮

此段僅辨去女二
餘俱曼患約七行

□過夏侯旦

缺行半
以上在下方以

李僧保李文遷李處真列銜皆稱樂陵太守殆世

其職也北魏有兩樂陵郡亦有兩陽信縣一隸滄

州一隸青州此則青州所屬也碑右李處真之下

碑左李僧保之上偏及碑側下方似尚有題名三

段無一字可辨永安魏敬宗年號永作死俗謬

南陽張元墓誌

裝本高廣行字不計正
書拓本藏道州何氏

魏故南陽張府君墓誌

君諱元字黑女南陽白水人也出自皇帝之苗囊昔在
中葉作牧周殷爰及漢魏司徒司空不因舉燭便自高
明無假置水故以清潔遠祖和吏部尚書并州刺史祖
具中堅將軍新平太守父盪綬將軍蒲坂令所謂華蓋
相暉榮光照世君稟陰陽之純精含五行之秀氣雅性
高竒識量冲遠解褐中書侍郎除南陽太守嚴威既被
其猶草上加風民之悅化若魚之樂水方欲羽翼天朝
抓乐帝室何啻幽靈無間殲此名括春秋卅有二太和

十七年薨於蒲坂城建中鄉孝義里妻河北陳進壽女
壽為巨祿太守便是瓌寶相映瓊玉叅羌俱以普泰元
年歲次辛亥十月丁酉朔一日丁酉塋於蒲坂城東原
之上君臨終清悟神誚端肅動言成軌泯然去世于時
兆人同悲遐方悽長泣故刊石傳光以作誦曰

鬱矣蘭冒茂乎芳幹葉暎霄衢根通海翰然氣貫岳榮
光接漢德与風翔澤從雨散運謝星馳時流迅速既雕
桐枝復摧良木三河奄曜々壙宅燭慮感毛羣悲傷羽
袂局堂無曉墳宇堆昏咸輜松戶共窳泉門追風永邁
戎銘幽傳

張元字黑女元黑色女即爾汝之汝南陽白水人白水鄉漢光武故里在新野縣漢張遷表敘先世甚詳僅及周張仲漢張良張釋之張騫四人此誌乃云出自皇帝之後未詳其爲何皇何帝唐書宰相世系表張氏出自黃帝子少昊則皇帝當作黃帝昔在中葉作牧周殷殷無以張爲氏者周自張仲外見於左傳國策者無位至牧伯之人爰及漢魏司徒司空世系表清河之祖有漢司徒欽馮翊之祖有漢司空皓此外未嘗以司徒司空著名惟晉有司空張華誌以舉燭喻其高明似指華之博物而言然所徵引殊未確

也遠祖和祖具史皆無傳父盪寇將軍未著其名妻
父陳進壽官巨祿太守魏無巨祿郡當即鉅鹿別稱
曰壽為巨祿太守下著便是二字通俗之文始見於
此又進壽雙名複述稱壽今人以爲常於古則罕見
十月丁酉朔一日丁酉書朔書日不嫌其重唐張希
古誌云四月甲申朔一日甲申亦如此蓋古法也元
南陽人爲本郡太守其卒葬皆在蒲坂豈以父爲蒲
坂令遂家其地耶幽靈無間神誚端肅簡誚二字未
詳其義裔作袁殷作殷寇作寢稟作稟魚作魚爪牙
作抓牙達作達雙作瓊朔作朔葬作葬冑作冑幹作

幹映作映霄作霄翰作翰休作然坤作𠂆區作壠喪
作𦉳痛作慮族作族堂作堂韜作韜寢作寢泉作泉
式作或皆別體字遐方悽泣句多長字旁加三點書
石滅字用旁點始見於此是誌未知何時出土於友
人何子貞處見拓本錄之

古誌
石華

石不知存亾從何氏借錄之魏書地形志南陽郡
無白水縣白水縣五見一邵郡一丹陽郡一高平
郡一武都郡一白水郡此稱南陽白水人黃虎癡
以爲鄉名或然也文於除南陽太守之下未言去
官而下云薨於蒲坂城豈尙未之官邪故以清潔

以當讀作已復摧良木當即梁木之同音假借巨
祿鉅鹿亦古通字黃氏以爲別稱殆非

韓顯祖等建塔像記

高七寸六分廣一尺七寸三分文九行行十一字
字徑五分方界格題名十一行又小字一行正書

大魏永熙三年歲次甲寅六月壬子朔廿八日己卯

夫釋迦就道捨躬於飢歎庸愚建塔場珍以崇法是

以合邑之人迭相殷率建立須弥塔石像二軀其辭曰

魏魏顯塔敷根閻士光曜十方唯新豈倚哈氣

之徒咸來懽舞

須弥塔主韓顯祖居士支仙

以上在象右

象主韓法成邑老尹趙賢邑子采獻

光明主董託世邑子邵 誣邑子宋黃奴

邑主李 道邑子張方國邑子王愛仁

喪主陳 忠邑子平馬楡邑子李伏業

雄魁賈韶禧邑子趙老權邑子

雄魁陳 珍邑子王 尚邑子

邑子張 樹邑改貴選 邑子

邑子李伯愛邑子平 思邑子陳舍文

邑子張惠勝邑子劉 席邑子侯建扶

邑子孟文貴邑子趙暈業邑子

以上在象左

比邱曇超

在象下

永熙三年北魏之末年於是分東西魏矣飢獸作
飢獸塙當即堞巍作魏敷作敷含氣作哈氣老作
老誕作誕栓見篇海同榷木入土也韶作韶段作
改孟作孟曇作曇

常岳百余人造像碑

高二尺九寸廣二尺六寸五分前後共廿七行行字
不一字經七八分正書兼分隸有方界格在洛陽

夫真宗凝湛則法水洌冲至原无原示衆生出坦路今
沸第子常岳等謂知回毒之分駸又蔭中畫庾遂寧邑
義一百余人寄財於三寶託果於溪淩磬竭家珍敬造

石碑濼一區其厠濼空也乃運玉石於池山採浮磬於

令浦既如天上降來又陷地中湧出致史跋者之徒樂

善望歸喟目出莫不覺◎落觀拔難周尋形叵遍自非

大士呂師法建都邑義等少深道門長聞法教知脆命

水不堅危身之難保遂臨伊闕出左斷石嶺之西鑄隄

容一所可謂覓率新來疑叢龍萼始至覲乃率合一百

人等知四大之无常焉能逮此功業者哉藉此摩訶善

根仰發洪願三寶常存法輪永固 國祚永隆八方寧

忝七世先零託生妙洛一切衆生同空登斯果但聖容

隱顯且判石圖形鑄全寫拔已寄石文其辭曰敷容尊

豫曉曉真如妙茲 醜色煥爛先殊唯形在石无異今軀
名功巧鏤如本若 初懇懃荷負无二真如

都邑主素義和 前空二行 都邑主楊遵業 元心勸化

主尹顯達 勸化主常珍茜 中正素景珍 中正

諸葛達磨 都維那衛貫胡 都維那楊仕雄 維

那素里珍 維那李玠和 維那趙文 以上弟一列 齋

主任懷僂 前後各一行 齋主任懷栝 齋主馬元略

齋主衛法和 齋主趙口智 齋主常道生 齋主

常珍和 齋主素顯 齋主趙顯和 中空一行 齋主

趙敬遠 以上弟二列 齋主趙法藏 前空一行 後空二行 齋主楊

祖義後空二行 齋主尹趙如後空一行 邑子間元要 邑

子張樹生 邑子袁乾育 邑子李僧生 邑子常

醜以上弟三列 邑老定陵太守楊崇前空一行 邑老任

懷賧後空二行 邑子任高生 邑子奚洪顯 邑子賀

迴樂後空以上第四列 清信宋陽女 清信宗顛妃 清

信陽花陵 清信鄭王女後空一行 清信賈浚容

清信素敬姿 清信任妙姿 清信諸葛芝歸

清信素迴姬 清信向清女 清信趙銀妃 清信

賈外暉此一系列在記文之下

右常岳百余人造象記在洛陽補訪錄碑以為在

蘭山謨記文十四行前五行低二格中六行低一格七行義字八行所可謂三字皆磨去重刻者記文似有錯亂處或由工匠所致文下題名一列皆係婦女文後題名四列有官職者惟定陵太守一人耳碑無年月補訪碑錄列於北齊案北齊神武帝六世祖名隱趙隱字彥深改以字行記文內用隱顯字猶可謂書隱作隱避諱改寫也高祖之父名樹生法曹辛子炎諮事讀署爲樹帝怒曰小人都不知避人家諱是北齊之世斷不應有以樹生命名者而此刻題名內有邑子張樹生且屢見生

字決非齊刻無疑書兼隸法當是北魏人手筆定陵郡魏永安中置屬廣州仰發洪願蓋避獻文孝文之諱以洪代宏也附列北魏末庶幾近之碑多別體字从足作是从旦作且从亻作彳从手作木蔭作蔭矚作矚者作者臨作臨兜作兜摩作摩煥作煥慙作慙閭作閭崇作崇餘不悉述罄竭作罄妙樂作洛同音假借餘作余使作史先靈作零名工作功古文相通八方甯忝忝蓋泰字之誤鏤全寫拔拔疑狀字之俗

田僧敬造象記

北魏末 率 編載卷廿九

三有羣生缺三字
□子胡規全橋生橋誤息毛雅 息小

雅 息阿雅缺毛雅小雅雅息盖保缺盖字 息阿滿缺滿字以

列上上 孫女陽□全孫女羊缺羊字羊疑即華 妻王女香妻作妻下同缺

女字遺 妻路羊缺羊字 妻李女缺女字 妻鄭倍倍誤俗

西魏

王慎宗等造四面像記

凡四龕龕高九寸五分廣八寸龕旁題字共十五行行字不等字徑五分正書

上 缺 □則攀宗靡尋容下以真親隱亏上露遺刑繫下滅

忠之地為下加申□□□□下空宗俗迫靜於閑長下缺

大魏大統元年歲在乙卯四月丁丑□下人佛弟子

王慎宗 佛弟子下 佛弟子車枕洛佛弟下 佛弟子車

永口佛弟下 佛弟子車 庸仁佛弟下 佛弟子車 枕燁佛

下 佛弟子車 天壽佛下 佛弟子車 元與佛下 佛弟子車

太平佛下 佛弟子車 洛下

右造象四龕文刻象之兩旁下方殘闕後二龕列

車氏諸人名補訪碑錄作車枕洛等造四面佛象

下云陝西未審其詳遺刑刑字非型即形之通借

俗當是公之變方言任公遑遽也此云俗迫其諛

正同

吳德造象題字

連座高四寸六分題字在蓮座之足自座背右方起環繞周刻字徑二分餘正書在新城楊氏

大統元年四月八日弟子吳德為父母敬造如來佛像一區供養所願如是

來作來俗

李願標造象記

高一尺五寸廣七寸一分上截記八行行十二字年月一行十四字字徑六分左右刻二鳥對立形下截題名五行行字不一各有佛象並正書

□□宗冲家妙絕衆相雖邏暈匿影刑在於世是以李

顛懶自竭家珍仰感聖恩建崇石像一區上為皇帝宵

太下為七世父母現在眷屬家口大小衆惡消滅万善

慶集士進宜官榮祿日增子孫繁興苗稟万代三界衆生普同斯顛一切成佛

大魏大統二年歲次丙辰十月造誌

孫子輔相供養佛時

孫子遵和供養佛時

息顯

搨供養佛時

息羅漢供養供時

息口搨供養

佛

時

訪碑錄載之未詳所在暈即暉字形作刑古通借

龍門山造象五段

在洛陽

黨屈蜀題記

高三寸廣八寸八分十一行
行字不七字徑五分正書

黨屈蜀自為己身造瀹一區顛生、世、直遇諸佛

清信士佛弟子黨屈蜀一心佛

大統四年六月六日造像記

左氏傳杜注黨氏魯大夫釋文音掌後世黨党等
姓皆即黨氏也直即值字大統四年當梁大同四
年東魏元象元年

蘇方成妻趙鬢題記

高四寸二分廣一尺二寸十一
行行字不一字徑五分正書

大統六年四月廿八日平東將軍銀青光祿大夫石城

縣開國男池陽

縣開

國伯立義都督

蘇

方成妻趙鬢

信陳九清等造石窟一堰中有斷像仰為七世父

緣眷屬与居顛心

方成上石已曼患據後刻知其姓蘇縣開二字亦
 據後刻補注之賜即鬘之省堰即堰字按魏書官
 氏志平東將軍銀青光祿大夫開國伯皆第三品
 開國男第五品地形志石城縣凡七見池陽縣凡
 兩見蘇方成所封當是荊州所屬襄城郡之石城
 新野郡之池陽也石城筠清館作方城方城亦兩
 見一隸幽州范陽郡一隸安州廣陽郡相距較遠
 殆非也

蘇方成題刻

高二寸一分廣一寸八分五行
行字不一字徑二分餘行書

平東將軍良青光祿大夫石城縣開國男池陽縣開國

伯蘓方成爲父母造

右刻無年月據署銜列前刻之後良銀之俗省筠
清館蘇作庾石城作方城均非

始平縣男韓道又題記

高四寸廣六寸六行行
字不一字徑五分正書

大統六年七月十五日雍州扶風郡始平縣負外郎始

平縣開國男韓道又造像一壻仰為七世父母一□

後

末行一下劉作生字文內兩見始平縣字上敘其
里貫下署其封爵也

靈巖寺沙門璠銘

高五寸五分廣一尺八寸五分廿
七行行七字字徑六分有方界格

正書

洛州靈巖寺沙門琛敬造石像一堪夫巍々大覺穆々

天尊淡若相漚曠若□源塵累消亡霽智□存□此一

相愍彼重昏先懽後實化盡有緣娑羅愿曜息迤入真

琛雋高朗解縛□羈割愛辭親法眼是被鏡曉三空□

鑿四非和光核俗傾々馳々唯善是懃體勞妄疲訪旨

名匠思絕幽微鏤出真容刊□超奇雜綵塗瑩世□唯

齋身相□□眾好嚴儀西帶□□□□□心熙怡

曠□所歸仰報四恩增感增悲等□□心迴向菩提

大魏□統七年太歲□酉正月十五日訖

先懽後下一字似竇茲從吳劉兩家錄作竇妄是

忘之誤唯帑上劉氏作並審之不似統字僅見左
旁數筆諸魏建元七年值酉者僅一大統而已劉
氏竟作大統七年或以意補之余所見則曼忠矣

蔡氏造象題名

高二尺三寸六分廣二尺三寸題名
三列列十行字徑四分正書在汜水

蔡惠振

蔡惠滕

蔡預慶

蔡道□

蔡光明

蔡仲孫

蔡道但

蔡榮洛

蔡鸞□

蔡桃枚

蔡道珍

蔡壯人

蔡伯周

蔡勲此二字較大

蔡顯達

蔡伯穆佛弟子

蔡伯起

蔡琳達

蔡苟奴

蔡文相

蔡恃雅

蔡還

似香

蔡洪建

蔡義和

蔡珍之

蔡法頤

蔡祖悖

蔡思景

蔡趙世

蔡文希

乙亥五月錢甘卿甥寄此拓本上方佛像未全凡
 供養像三列每列十人各題姓名於旁皆蔡氏人
 別無銘記年月以余攷之當在蔡洪象碑後者拓
 未全也馳書託覓全本未如所欲就所見先錄之
 蔡洪象碑立於大統十四年四月錢潛研題為造

太上老君像記

張始孫造四面像記

連座高一尺廣七寸像下題記十五行側廣三寸五分
分右側下方年月四行四周題名十一行行字不一
字徑四五分
在蘇州蔣氏

今有佛弟子□人張始孫被盲除為禪州開化郡太守

敬信三寶捨已家珍上為大王五等諸侯□僧父母

妻存七眷屬及已身敬造文□石像一區顛此造之因

福四恩三有同沾法澤弥勒三會顛登初首右在像下方

祖張高妻王小種父張興妻孫媚玉右在像像主張始

孫妻曹小容息和兕左在像和妻王勝息女英暉

息女銀暉

息女男暉

在左側下方

孫弟始歡弟始龍弟

龍歡弟歡禧弟始進

在象右

義

李免

在像左

穀息

女照宜

在背面像左右方缺損

孫牀張毅

牀張法生

在右側像右

和息張保勝

在像左

大魏元年歲次丁丑二月庚午朔十二日造

是象造於丁丑為北周明帝元年即魏恭帝之四年

是年正月已行禪讓而象勒魏元年者蓋文帝大統

之後廢帝恭帝俱無年號新君即位祇改元示更始

耳宇文之篡事出倉卒遠方不知禪代以為行廢立

之事詳紀歲幹月朔俟後推而得之祇州開化二郡

稽之魏書隋書地志元和郡縣志俱無其名魏收地
形志固稱文簿散棄州郡勅改不知則闕于時攻伐
既廣朝纔設版夕或淪陷州郡之名宜多不詳也北
史於是年二月作癸酉朔茲像作庚午魏自孝明用
正光術北周沿用不改今依術推之應爲庚午北史
誤爾此像舊在安邑破寺中往年客游山右取歸供
養今十九年矣

蔣清
翊跋

右像正面一佛左右四像侍立上層又有三小像
背面雙像並坐兩側並分兩層上下各列一像制
作甚精也書年月不書建元攷通鑑目錄周明帝

元年二月庚午朔敬臣以為魏恭帝四年是也澤

即澤首即首

智超等造象記

萃編載卷廿二附魏末

業□□年

缺業字

頃以祖父

缺頃字

值以□□□□不得

造像卻至于今□□仰□□祖之顛

缺值卻至祖四字并誤今為舍

遂

造巨像

一區缺巨像二字

以述先人之顛

缺以述三字

父母曰緣

缺曰緣二字

後顛今□大衆康吉惟百恧雲消万善□□

缺後

顛大衆惟雲消万善九字

值佛文法法

下法字

缺

右智超等造像記不知所在金石萃編附于魏末諦

視年上尙有齊字可辨故改附于此丁卯下空三字

丙戌空者朔廿日

平津讀碑記

金石萃編所載止一面坳魏末今諦視首行大下三

字似齊河清因坳齊末

趙之謙補寰字訪碑錄

洪筠軒趙攜叔皆以為齊刻吳荷屋亦然今以拓

本諦審之首行第二字似是業字蓋大業年所造

也而吳趙所見之大字卻已曼威姑仍其舊吳氏

備錄此文亦多缺誤以丁卯為丁丑以百恧為首

惡則王氏原書不誤而校正者反誤也值以之值

作宜并缺以字後顛之後作復万善之万作与并

缺善字餘亦多缺則審之未的也至丙戌上作朔

十口三字石已全缺惟一區上作巨像二字較可
辨識據以補注於旁趙氏載有碑陰兩側今未之
見據文大約因其祖生存發願未造至智超等乃
承祖意造成而記之也

八瓊室金石補正卷十六終

八瓊室金石補正卷十七

太倉陸增祥撰

男

繼輝校錄

吳興劉承幹覆校

東魏

朱舍興等造四面象碑

高三尺廣一尺八寸七分中列佛龕龕上列佛象七
區右題年月一行左方題名一行龕左右題名二行
龕下題名四行行字不一
字經四分正書在登封

缺 二年歲次乙卯三月卅日造

在右
上邊

缺 □主朱舍興為父母

在左
上邊

波尸佛主董永和為亡父尸審利佛主權荆珎為亡二

弟□缺佛主席羌為亡父 右 在龕

仇那舍佛主董青為亡夫加葉佛主楊華鮮為父母

左 在龕

□事叅軍張法壽 比邱僧洪寶 右 在龕下

比邱尼慧潤 張錄事叅軍妻衛清姬 左 在龕下

右朱舍興等造象碑中列大佛龕龕左右皆有題

字龕上又有象七區龕下畫蓮臺兩師子跪向之

左右供養像各二題名四榜張法壽亦見碑側彼

署務聖寺檀主此署錄事叅軍實即一人耳二年

上已缺泐以彼刻證之當是天平二年吳氏以為

四年誤書字字書所無

碑陰范定洛等造象題名

八列上七列佛象各六區題字廿三行末一
列十五行行字不一字徑五分正書在登封

金山寶蓋如來范定洛

南方寶相如來

全炎光明如來車河興

東方阿閼如來

光明王相如來主張桃奉

寶勝如來奉為父母

无垢熾寶如來主曇景

寶相如來主權前秋

難勝如來主僧真

大炬如來主魯寄保

□□如來主惠照

全葉炎光相如來主旧併

光

第一列

文殊師利佛主張義容

阿彌陀佛主董元士

釋迦多寶佛范佛

北微妙聲佛崔進合家

面无量 缺

第二列

普光佛主毛元美

日月燈明佛主楊塔

藥師琉璃光佛楊元寄

難勝佛張遵為父母

觀世音佛主劉道真

缺 耶佛主段崑嶮

第三列

大通智勝佛主衛僧副

須彌頂佛張仲華為父母

第四列

帝相佛主尹文敬為父母

梵相佛主楊勝男

師子音佛主宋文滕

多摩羅既梅檀香神通佛

虛空住佛主田貴洛

須弥相佛董龍國為父母

常滅佛

雲自在佛董歸樂為母

華光佛主路法奴

雲自在七佛段邑為亡息

耑兒

第五列

第六列

董大醜

董清頭

董夏歡

寶華功德海琉璃金山光明如來主殺令容

顛元王崇礼兄弟

五人悉得善集六

家范度内外七世

父母法界倉生成佛

張榮千為存亡二

弟南方字榮和

身康常貴亡者

遇佛法果成佛

張杻棒造二佛

一佛為亡父母舊

顛造一佛為法

累衆生一切父母

第七列

第八列

右范定洛等造象碑無年月刻朱舍興等造象碑陰蓋同時所造也筠清館金石記分爲二今併列之張桃奉下方作棒張榮干下方但偁榮干皆即一人權荆珎已見碑陽咎姓出代北通志氏族略云咎廬之爲咎又姓苑云咎氏蜀人靈壽縣有高叡造阿闍像記沈匏廬常山貞石志跋云釋典有阿闍法華經云其二沙彌東方作佛一名阿闍在

歡喜國唐釋元應明度無極經音義云阿閼文字
所無相承又六反餘經作無怒亦云無動或云無
怒覺翻譯名義集諸佛別名篇云阿閼淨名經云
有國名妙喜佛號無動疏云阿之言無閼之言動
玉篇閼衆也集韻初六切音琍衆在門中趙撝叔
補訪碑錄云阿閼見法華明度無極兩經造象中
僅見今得此碑又其一矣文云元王崇礼兄弟五
人崇禮史無傳

碑側張法壽息榮遷等造像銘

天平二年四月十一日
萃編載卷三十作比

邱洪寶
造像銘

霑真

霑作霑

魏七

上一字誤作魏

記為比邱洪寶所製驗其文云務聖寺檀主張法舜於熙平二年捨宅為寺宿願暫像未獲畢志其息榮遷亦願刻石建像釋迦文佛觀音文殊仰述亡考舊願者予略著其始末以為嵩陽石刻補遺

授堂金石續跋

授堂金石跋作張法舜誤碑靈作霑勞作勞曾作繒

鑿作暫規作頰懿作懿含作洽皆異文

平津讀碑記

此朱舍興造像之碑側也其一側有像無字造像者為張法壽之息榮遷循和銘者洪寶諸家皆題為洪寶造像非武氏題為張法舜造像亦非不獨

壽誤為舜也文云仰述亡考平康舊願是造像時
法壽已歿矣此與朱舍興等造像月日略差要為
同時所造無疑碑靈作霑洪氏以為作霑與萃編

同誤

龍門山造象七十七段

在洛陽

長孫僧濟等題記

高三寸廣七寸十二行行五六字字徑五分正書

天平二年四月八日清□士弘弟子長孫僧濟長孫僧

顛比邱法壽□三人仰為己身造弥勒仏一區後□□

後顛七世□□父母回緣眷雇仏聞法□同斯顛

遲佛聞法遲待也劉氏作屬屬上句讀諦審之實

作厯字是刻在龕上其右有殘刻五行僅見為亡
父母造□世音像一區字

尼曇會題記

天平三年五月十五日
萃編載卷三十

十五日

五誤

孫思香題記

高二寸廣五寸五分十行
行字不一字徑五分正書

清信女孫思香為忘息傳法始造

觀世音一區顛□

世身常与善居天平四年正月廿一日記

世身上所缺劉氏作七未的此龕之左有題名一

行二司馬旦□□田次同來丙寅年十二字

曹敬容題記

高四寸二分廣一寸三分三
行行字不一字徑三分正書

天平四年六月廿五日清信女仙弟子曹敬容為亡夫
造像一區願令捨穢從真神□趙蔭

劉氏作曹汝容誤

故比邱曇靜兩題

高三寸廣一尺一寸五分十行
行字不一字經六分許正書

武定三年十一月十日故比邱曇靜為大統寺主安法

□□釋加像一區後願靜已身生、世、直佛聞法所

願如是

文云後願靜已身則曇靜未死也稱故比邱者未

解何謂後刻同

又

高二寸廣六寸四分七行
行字不一字經六分正書

武定三年十一月十日故比邱曇靜造釋加像一區為
大統寺造

曇亦曇字之省劉氏作昌審之下有△形非昌也
寺作年亦非可以前刻證之

報德寺比邱法相銘

高四寸五分廣八寸十三行
行字不一字徑五分正書

焜子若旡有子若□隨緣感應慈度等□梵音闍道旡

不蒙所稱名礼敬善求成吉緣思一志悟佺緣生刊山

立志銘心不傾顛下干劫愍度含霽神光普照除法幽

寘 武定七年歲次己巳四月十五日報德寺比邱法

相造□邱相侍佛

有子若下似是匱字劉氏作實

比邱法勝題記

高四寸七分廣一尺十三行
行字不一字徑六分正書

夫幽濛沉翳非真容何以導其明是以比邱法勝竭衣

鉢之餘造

彌勒像一區上為

皇帝延祚無窮萬國

熙順又顏師僧父母託質妙境永隆般若譙此微誠福

鍾万劫十方眾生共同斯顏

質即質字譙集韻通作庶

比邱道匠題記

高七寸四分廣一尺三寸五分
十三行行七字字徑七分正書

大覺去塵有生謂絕尋刊處形則應合无方昇峯由源

思果依本是以比邱道匠住与妙回今悟盡性竭已成

心造像六區上為皇道更隆三寶無點顛師僧父母魂
与神遊宿与慈會身終百六視絕三塗動不遠於如來
有氣者咸資來業

刊處二字之旁作乙形蓋文係尋處刊形誤倒作
刊處也思果之果在思依二字中間皇道之道在
更字右旁皆脫寫添註佳与妙回住疑往之誤竭
已成心以成爲誠三寶無點以點爲玷

馮道智等題名 高五寸廣三尺四寸五分十二
行行題一人字徑五分正書

白子馮道超

白子周桃枝

白子董天順

白子韓

龍周

白子口全保

白主段惠遠

維艸郭永真

台子侯文影輝

台子吳雲樹

台子王昔洛

台子

馬保典

台子口光用

右刻中供一鑪一人侍右以手探之作添香狀左

右僧尼像各一人又供養像各六人題名在像旁

趙阿四題名

高五寸廣八分
字徑四分正書

趙阿回造像一區

張貴興等石龕記

拓本高一尺二寸四分廣九寸半
十二行行字不計字徑七分方界

格正
書

保張貴興

此在
行末

區

那傳

那

擲

都維那

維那

都維

維那

都維那

維那

□為國造像一 □□□

□願□祚暈隆

於大千万國歸

於仁□道唱常

糸母

流惠波佐布又

維那

顛起等樹德於

且僧道

維那

不言之表稟神

道安法

維那

三宅之域契悟

維那

□

無□□絕塵境

典坐

陸

元□□僧父母

唄匿

獲

眷屬□識之類咸同斯顛

香火

前七行失拓余以拓本有又顛起等一語因以起

等殘刻為標題及讀劉氏書見首行末有張貴興

字乃知補訪碑錄所載張貴興及都唯那尼道等

造石龕記即此刻也今據劉氏補之趙桃科妻造像在此刻左方之下蓋後來續附者元下所缺當是世師二字與孫秋生慧成高樹等造象所稱元世者同蓋言元魏之世也補訪碑錄又載有道安法造象亦即此刻而兩列之誤矣悟悟之假借喙匿名目他處未見

強弩將軍趙振題字

萃編載卷三十二

三排

上誤

趙振造象記正書無年月審其文字似屬魏刻魏書官氏志載強弩將軍從弟四品下又載掖庭監從弟

五品上而此稱掖庭令疑令即監之異文官名改易

志未備耳

授堂全石續跋

魏書官氏志有掖庭監無掖庭令唐六典魏晉並有

掖庭令而非宦者堪即龕字

平津讀碑記

持蓋考之譌亡字石微泐故譌為上授堂錄作正

持尤非

橫野將軍吳安題字

高三寸廣一寸二分二行行五字六字字徑四分正書

橫野將軍吳安為家卷敬造

邏隊主和道恭題字

高四寸五分廣一尺五行行二字至四字字徑一寸五分正書

關口邏隊主和道恭造石像一區供養

玉篇邏巡兵也正韻游偵也邏隊主蓋游檄軍將之屬可以補元魏職官之一

趙盞生題字

高一尺廣二寸二分二行行十字字徑八分許正書

佛弟子趙盞生妻曹阿容為眷屬造擇加聞佛一區

釋書作擇文書作聞

比邱僧巖題字

高九寸五分廣一尺一寸七分字題象右上下各二行字大小不一

比邱僧巖為弟等

造彌勒象一區

前

河南令

魏雙帀

六字兩行在下列字特較大

赤即虎字魏雙虎當即其弟

邑主魏桃樹等題名

高一尺二寸五分廣四寸三分四行額行字不一字徑八分正

書

台主魏地樹甬法儀李法登

劉法龍傳惠成田掾雄彪楊惠儀

台子像賈法不揚雙祖楊惠林楊方祖

揚敬坦

右旁有祖樹生三字此失拓左有台子像續祖台

子劉景珎二題亦未見訪碑錄云在陝西恐誤

温香李敬等題名

高一尺七寸廣一尺九寸行十五字字徑一寸許正書

□□温香李敬任伯恭來祖香宗榘

□刪傳定香張文義魯陽仁郭郎子□

□□郭珍竒宗世起邪思祖邊道宏

□□揚文廡鎔龍榘蕪真吳三郎王寄

王通達魯曇保王定州徐靈榘鄭苟雙

王龍胡張定宗張樹生孫鑿州邊郎苟

邊方來僧副董惠香陳五龍蕪伯仁

李道珍夏侯胤□道景李榮姚文安許法

邊徠歡史鄗郭安清

邊邊邊疑並即邊之俗廡即慶之俗邪即邪

惠暈題字 高二寸五分廣五寸五行
行二字字徑寸許正書

惠暈為父母造像壹一匱

文云壹一匱蓋衍一字

道欽殘題 高廣行
款失載

道欽奉

造九□

像□

父

右方有呂巖樹名此未拓

劉氏題名 高六寸廣一尺二寸十四
行行八字字徑五分正書

父惠奴母仲保	李淋女	劉	女	兒	劉	銀	王	劉	天	扶
孟容	劉	女	王	劉	宜	生				
左	劉	桃	捧	劉	醜	多				
阿				劉	苟	合	劉	雙	劉	
前	劉			洛	劉		劉		殷	劉
劉	清	王								
題名多劉姓人因以劉氏造象題名標之										
今遊祖題字										
今遊祖為亡父母造釋迦牟尼佛一區										
今氏見姓苑										

高三寸五分廣五寸五分
行行字不一字徑寸許正書

劉僧濟題字

高三寸五分廣五寸五分五行字不一字徑八分正書

清信女劉僧濟釋迦牟尼佛一區

在前刻左均題於象龕之上

今遊祖韓富女題字

高二寸五分廣五寸五行三字字徑八分正書

今遊祖韓富女共造釋迦牟尼佛一區

王惠念妻蔡阿妃題字

高二寸五分廣五寸五行三四字字徑八分正書

王惠念媪蔡阿妃共造釋迦牟尼佛一區

在前刻左

女阿陳題字

高六寸五分廣二寸二行字不一字徑七分許正書

清信士女阿陳為缺馮永肩造像壹區

孫法力題字

高一尺廣一寸五分一行十一字字徑寸許正書

清住孫法力造弥勒像一區

周子龍題字

高七寸廣五寸五分四字在龕右三字在龕下橫列字徑一寸二分正書

周子龍造像一區

比邱法智題字

高七寸廣一寸八分一行八字字徑八分正書

比邱法智為李徠射造

僕作碟

邁伯榮等題名

高九寸廣三寸二分上二行五字二字字徑寸許下一行三字字徑一寸

二三分

正書

水捕叅軍邁伯榮

劉伯大

不疑即火字邊疑即邊字下三字較大中有橫線
界之或以邊劉連讀非是龍門錄次景明末未審
其詳

比邱慧敢等題名

高二尺廣一尺四寸八分十四
字徑八九分正書

比邱慧敢任道

缺約四字
五字

建□趙女王賸邊方李敬台主

來温□□龕生白盃周來祖香王雅趙永胡張唯躬楊

女□□來毛香宗擲田盖石王□田天生王唯躬□□

香祖□張志趙沈祖劉期權□□王趙□□□□聶

仁王文煇李榮邊小奴孫道雷武富仇景道恒方豫周

趙女生女雙壽趙隣俱王始孫勸□奴□□□雙□方

相周貞苟劉天猷王雙鳳王扁□□上缺約九字霽趙都方

龍□雒榮又生龍胡連大康奴缺約一字方長□楊扁□

安下□安下泐二傳市買翟樹玉龍安邊下□□□□

□□□□保王万田下王宓□□高□伯生下及後一行均泐

劉氏所載十五行此拓未全

何僧安題名 高五寸五分廣一寸八分 一行七字字徑寸許正書

何僧安造像一匣

□中遷題記 高三寸八分廣四寸五分七分 行行三四字字徑五分行書

造秣加仞弟子 蘇中匠為止父見手母為家眷屬顛、

佻心

蕪字不可識疑是蕪字正當即遷之俗手即存釋
作稞仙作仞眷作着弟一行在仞弟子三字之右

上

佛弟子魏□兆題記

高一寸五分廣六寸三分九
行行二三字字徑五分正書

清信士佛弟子魏□兆□□世父母所生父母及己身

□□

兆當即兆字或以為仙

董僧智題記

高下不齊廣三寸四行行
字不一字徑五分正書

清信士佛弟子董僧智為亡女媚足造彌□□缺亡女

上生天上下缺

佛弟子吳洛□題記

高下不齊廣三寸三分四行
行字不一字徑六分許正書

清信女佛弟子吳洛女

造釋迦像一區願七世父母所

生父母回緣眷屬普同斯福

屬作屬

此刻在龕右別有龕下一段五行字徑

四分曰清信士

劉□□□□敬造釋□□一區

願早還

□□□息願、從心

劉社題記

高五寸廣一寸二行行九
字十字字徑四五分正書

劉社為七世父母所生□母兄弟姊妹造佛一區

社即塙移土於右耳

比邱尼紹菱題字

方三寸存三行行字
不一字徑八分正書

比邱尼紹菱待佛時願□庶

缺

寺□題字

高二寸許廣五寸六分八行
行字不一字徑五分行書

清信女佛弟子寺□為禾造世加女尼佛一區願弟子

見安

寺即壽字禾疑身之誤世加即釋迦音近而譌文

尼當即文殊牟尼

羅鵬月十人題記

高四寸廣九寸十行行字
不一字徑六分許正書

羅鵬月李垣劉芝都傅令秀白□□張母化羅可倪劉

天生興天保白鵬異十人等敬造弥勒像一區看為□

世父母下及有形衆生皆得離苦願、悅心

鵬即鵬母古貫字

僧惠暉題字

高六寸五分廣一寸一行
十四字字徑五分正書

比邱僧惠暉為國王常住造佛一匣

暉疑即暉字之誤造作造

野王縣董方進題記

高二寸七分廣六寸八分九
行行四五字字徑五分正書

河內郡野王縣董方進為父母眷屬造釋迦像一區永

顛休安了絕眾苦并為一切受苦眾生成同斯福

陸元慶等題名

高二寸廣三寸三分
行字大小不計正書

弟子陸元慶

此刻
左行

弟子劉□暢

弟子展凡雷

元勾生等題名

高二寸五分廣二寸八分二行在象
兩旁一六字一四字字徑五分行書

清信女元勾生 清信仰敬

比邱僧紹殘刻 高下不齊廣四寸五分行字不計如式錄之字徑八分片一行較小正書

比邱僧紹昌子

迦像

護法

過現

舍識

黑龕生題字

高二寸三分廣七寸二分八行行二三字字徑七分正書

黑龕生兄弟三人為亡父母造石像一匣

又

高二寸三分廣八寸五分七行行二三字字徑六分正書

黑瓮生為亡妻并息孀子造石像一區

黑作黑異文瓮即盆與益溢同晉書食貨志

水滂盆溢

李前貴温靈慈題字

高下不齊廣七寸四分九行
行字不一字徑五六分正書

清信女李前貴敬造釋加文佛一區温霽慈為張思宜

造

張法香題字

高下不齊廣五寸六分七行
字不一字徑五六分正書

清信女張法香為亡兄敬造釋加文佛一區

與前刻行款字蹟無二蓋同時造者工人分拓之

莫辨其孰左孰右矣

楊寶勝題記二段

高六寸一分廣二寸八分三行行八字字徑四分正書

弟子清信女楊寶勝為正庫多汗王造弥勒像一軀

庫多汗王未詳

又

高六寸廣二寸五分五行行字無考字徑四分正書

弟子信清女楊寶勝為正

約缺三字

法蓋伎造弥勒像一軀

嚴

約缺三字

真容妙廓緣此□像之

約缺四字

者永離塵景

約缺

六

字樂

常與諸佛共會所願

缺

諸刻多作清信士清信女清信弟子此作信清僅

見也法蓋伎當是代北語

伏虎都督樂元愷等題名

高廣行字不計字徑四分正書

洪

元和

難陁

張廸芝

官中正伏席都督樂元愷

唯那伏席都督張永貴

唯那伏席都督關韓仕

右藉菩薩主統軍師牀和

右藉菩薩主郭長□

右藉菩薩主王顏懷

右箱菩薩主張子洌

阿難主張悉達

阿難

阿難

此行在後尤道榮下列

阿

以上在像龕之下

包主介休縣功曹軍主尤道榮侍佛時

供養主介休縣主薄別將上官延□□佛時

包子王□貴包子□顯

包子樂仕洌包子張道

包子翟黑兒

□像主張洪昌

以上在像龕左

下截缺泐著作善異文軍主別將後魏及北齊後周皆有之隋改諸曹為司此稱功曹當是隋以前刻前五行失拓據劉氏補

僧力僧恭題記

高三寸廣五寸三分六行
行字不一字經六分正書

比邱僧力僧恭敬造无量壽像普為一切衆生願託彼

因

使婆羅題字

高不計廣二寸五分三行
行字不一字經六七分正書

使婆羅□為父母敬造石像

使氏見姓苑劉氏有使胡子造象一種

王夔怜等題名 高不計廣八寸行字不計字
徑五分正書左行如式錄之

清信女王夔怜 在下人胡機 匠人

清信女張寶玉 造 張和

清信女麻令姿 衛才仁為亡母見存父

清信女昆猛姿 邑子

清信女李敬仙 邑子 賈益錢 張三

邑子尹達妻張敬光

妻王廻敬

供養主道婆

東堪主陳智族

景

余所得本僅見上截七字據劉氏錄之胡機張和道婆三刻恐是後來附刻者在造二字筆意不類也袂字書所無疑袂之譌劉氏有麻令姿等造象六題當即此刻內之麻令姿也亦無年月

孫暎袂等題名

高二寸二分廣四寸八分五行字徑五分正書

主 孫暎袂

主 陳文雅

劉洪傷

崔 洪雅

刀迴鉢

與前刻字蹟無二當是一刻誤分為二者姑分列之

殷朋先題記

高五寸廣一寸三分二行行八字七字字徑五分正書

殷朋先為康胡七人

泐惡捺佛顏造像一

殷作殷七人下似是逐字

員外將軍阿歡等題名

高下不齊廣五寸二分行字不計如式錄之字徑六七分

正書

世父母

弟真外將軍阿歡

弟蘆川縣開國善

弟安康縣男小歡

妹□滄□□□

見滄妻

是洪滄

藍川即藍川滄疑是濟或資字補訪碑錄有殫官

劉阿歡造象一種疑即此刻

潘与□題記

高四寸五分廣二寸五分四行
行字不一字徑三四分正書

弟子潘与□□過去□□亡兄等敬造菩薩二遍願一

切衆生有□□□

者早得往生西方極以下
曼患

造觀世佛殘字

高二寸廣二寸八分四行
行四五字字徑五分正書

□亡父母亡弟造觀世佛一匝願生淨土

開□牋題字

高五寸廣一寸二分二行行九字十字字徑四分正書

佛弟子清信七□開□牋為一切無生造像一媪

牋字不見於字書不可強識

甯題字

高一寸七分廣五寸九行行三至五字不一字徑四分正書

甯敬造釋迦坐像一媪上為皇家師僧父母有識含生

普乘激善弥勒三會俱淫齊上

右刻不見姓氏劉氏所錄有熒陽太守元甯造像

疑即其人唐永徽年有趙甯造象與此字蹟不類

此刻是唐以前人手筆淫當即得字

文雅題字

高一寸廣一寸五分四行行二三字字徑三分正書

文雅為亡弟阿貴造无量

右刻在蘇方成造象下方或即孫暎袂題名內之

陳文雅

王婆羅門題字

高二寸四分廣三寸八分四行行三字字徑寸許正書

王婆羅門為亡母造像一區

朱顯愚題記

高五寸八分廣三寸三行行八字字徑六分行書

清信士佛弟子朱顯愚輒設心為國造石窟弥勒像一

區上願

此刻在裴沼造象之前語意未了疑為裴沼磨去

矣劉氏上願作止願非并誤士為女

比邱僧隆等題名

高一尺五分廣二寸五分二行行字不一字徑六分正書在前刻下

方

比邱僧隆為師僧父母比邱僧照比邱曇惠比邱道智

隆造像供養

嚴雙珍等題字

方四寸行字不計字徑寸許正書在象龕上

佛弟嚴雙珍

子尹文和

等侍佛時

張石子等題名

高四寸廣七寸二行行三四字字徑寸餘正書在龕上

張石子 妻箱娥姬

蒙續祖等題名

高九寸五分廣三寸上下各一行
行五字字徑八分正書在象左

包子蒙續祖

包子劉景珎

失名題字

高二寸五分廣四寸五分五
行行字不一字徑寸許正書

為父母造像

一區

郝隊鳳題名

高四寸廣一寸六分一
行五字字徑寸許正書

郝隊鳳一心

郝社生題名

高四寸四分廣二寸一行
五字字徑一寸四分正書

郝社生一心

□奴題名

高四寸廣二寸一行
五字字徑寸許正書

佛弟子口奴

奴上似是念字

程天養題名

高四寸五分廣二寸三字字徑寸餘正書

程天養

呂琅珠題

高四寸五分廣二寸三字字徑寸餘正書

呂琅珠

殘字

高四寸五分廣一寸二分四字字徑寸許正書

日入川南

中岳嵩陽寺碑

天平二年四月八日萃編載卷三十

篆額二行題嵩陽寺倫統碑六字

公王卿士

誤作王公

雲歸表節

缺表節二字

前後樓

缺樓墻二字

字

光暉夜兔

缺兔字

德被蒼海

缺海字

生禪師與裴衍相善衍北討葛榮見害贈使持節車

騎大將軍司空相州刺史此碑稱司空公其時衍已

死矣碑多異字金石萃編云惟徧軌之徧盞馥之盞

不可識徧即係字盞馥之盞諦視碑是盞字

祥案王氏所摹

字體不誤特跋語內誤釋作盞

王氏誤作盞

平津讀碑記

額旁列法艷法生法倫道習等供養佛云云余所

得僅篆額也并有陰刻弥勒龕主比丘僧融字凡

佛象九十四區分列十二層末一層六區題佛號

於右餘並八區題佛號於左未得拓本

繼輝續得一紙拓工謂在是碑之上截凡龕像
二層下層佛龕七高五寸各題佛號於龕左上
層淺鑿十像高七寸在右者皆向左在左者皆
向右中四像髡首袈裟題曰法師法豔供養□
曰法師法生供養佛曰法師法倫供養佛曰比
邱道習供養佛左右各三像高冠廣衷皆無題
字觀此當在額之或上或下非額旁也碑陰仍
未見

高陽郡張白奴等造像

高五寸五分廣二尺二寸三分文十三
行題名十二行行字大小均不一正書

□魏天平二年□□乙卯十月□□□廿六日□□□

□高陽郡□□□張白奴寺尼□欽張甯遠造彌勒尊

像一軀□□祚祚隆萬□□泰七世師僧□□現在宗

親□學伎衆生々世々常与佛會一切衆生成同斯福

比邱尼淨欽 比邱尼淨姜 比邱尼僧姬 比邱尼

淨珍淨生 比邱尼羽姜 比邱尼智敬 比邱尼阿

盡 比邱尼淨圓 淨云 淨艷 淨賓 淨林 淨

寶 淨顯 淨邕 淨滕 淨照 淨姿 淨會 洪

但 □□敬淨幼 申奉泮 申歡 張白奴 申蒲

邱

□甯遠

申憐

張噉

申遺

□

□奴

撒姜

缺

勞助

缺

王□

右刻見補訪碑錄未詳所在但疑即但撒即撒不

見於姓氏諸書勞即勞

贈滄州刺史王僧墓誌

高一尺五寸六分廣一尺五寸四分廿五行行廿五字字徑四分正書在滄州王氏

維大魏天平三年歲次丙辰二月壬申朔十三日甲申

故驪驤將軍諫議大夫贈假節督滄州諸軍事征虜將

軍滄州刺史王僧墓誌

君姓王諱僧字子慎滄州

浮陽饒安人也其先蔚炳弗復重詳顯祖□有功漢室

蔣苻東夏仍回家為曾祖竟以大魏太常年中除建威

將軍北平太守祖

情

少腹庠門以清貞自處洪鑿雅粹

不以世事逢懷故刺史張儒辟為茂才昂然不拜父顛

以真君年中黃舉南討祭功天府除平遠將軍步兵校

尉在政未幾功名顯署不幸如卒贈東平郡君洪源淵

邈眇若嵩峯稟質瓊根湛如滄海故童年志學聲播稚

齒遊心八素必以禮義為任汪汪焉弗可量也以心始

年中除盪寇將軍殿中將軍後以清顯之任寔歸才令

厝竿之功良湏懿望神龜年中異土不負民懷叛扈命

將出師掃除逋穢以君才優器秀白為都督薛不獲命

遂乃擁麾東指羣凶奔斃桴鼓始交賊伎冰潰正光中
除清州高陽令未及下車而芳風亟聞不俟朞月而民
知且格雖魯恭之在中牟密子之治善甫無已過也俄
遷白水太守栢慰酋深令塞外無塵櫺孤矜音廓清漠
右後除驪驤將軍諫議大夫且保頤年亨茲遐授豈啻
不弔奄摧良木春秋五十八天平二年三月十日薨於
平陽窆於饒安贈假節督滄州諸軍事征虜將軍滄州
刺史於是閭里戀景行之潛徽悲霽蹤而思結乃作銘

曰

邈緒蟬聰遠矣綿萋弁葉載德踵世傳芳惟君綺日瀛

寶懷璋年始強仕朗秀垂芳而彼蘭桂載馥載香比之
秋月影曠哈光收之冬日暉景終長春風始煦奄權蔽
霜迴翔鳳宰翮飛下國視民軌義咸斑禮則雲柯浴彩
頌聲由勒景行孤存魂子潛默厥蘭析玉摧賢墜德翠
木霜枝拮人維射白楊初殖松栝始生幽鉤永閉閭室
未更黃泉多晦蒿里不明曉夜未與路斷人行

右王僧墓志在滄州王侶樵國均家侶樵嘗輯滄
州金石志當有跋語恨未見也王僧及其先世諸
人史皆無傳故刺史張儒亦無傳據志僧初除盪
寇將軍殿中將軍後以冀土不賓召爲都督事平

有功除清州高陽令遷白水太守官至龍驤將軍
諫議大夫卒贈假節督滄州諸軍事征虜將軍滄
州刺史生平事蹟如是而已誌云真君年黃舉南
討策功天府者伐劉義隆也又云神龜年冀土不
賓民懷叛扈者却鐵忽反自稱水池王也清州高
陽令清州即青州魏書地形志高陽縣屬青州高
陽郡字體訛謬極多不可勝計其僅見於此誌者
仍作仍履作腹輿作舉策作祭从宗顯著作署齒
作齒遊作遊亟作亟恭作恭單父作善甫無作無
慰作慰寡作音廓作廓遐壽作授遠系作矣狀作

妝响作响匿作渚幽扁作鉤皆是也不幸如卒如
讀爲而以八素爲八索以厝爲措以叛扈爲叛扈
以密子爲宓子無已過也用已爲以以良木爲梁
木而彼蘭桂而讀爲如頌聲由勒以由爲猶此其
合於古者餘不具舉

八瓊室金石補正卷十七